

UPUTSTVO ZA PACIJENTA

GENTAMICIN GALENIKA

mast, 1 mg/g

gentamicin

Prije upotrebe lijeka pažljivo pročitajte ovo uputstvo!

Uputstvo sačuvajte. Možda ćete željeti ponovo da ga pročitate.

Ako imate dodatnih pitanja, obratite se svom ljekaru ili farmaceutu.

Ovaj lijek je propisan lično Vama i ne smijete ga dati drugome.

Drugome ovaj lijek može da škodi, čak i ako ima znake bolesti slične Vašima.

Uputstvo sadrži:

1. Šta je lijek GENTAMICIN GALENIKA i za što se koristi
2. Prije nego počnete koristiti lijek GENTAMICIN GALENIKA
3. Kako koristiti lijek GENTAMICIN GALENIKA
4. Moguće nuspojave
5. Kako čuvati lijek GENTAMICIN GALENIKA
6. Dodatne informacije

1. ŠTA JE LIJEK GENTAMICIN GALENIKA I ZA ŠTO SE KORISTI

GENTAMICIN GALENIKA 1 mg/g mast

1 g masti sadrži: gentamicina 1 mg (u obliku gentamicin-sulfata)

Gentamicin je aminoglikozidni antibiotik koji djeluje na bakterije koje uzrokuju infekcije kože. Ljekar Vam je propisao gentamicin mast za liječenje infekcija na koži, inficiranih venskih ulkusa, inficiranih promrzlina ili opekotina manjih površina.

2. PRIJE NEGO POČNETE KORISTITI LIJEK GENTAMICIN GALENIKA

Upozorite ljekara ako koristite druge lijekove, imate neku hroničnu bolest, neki poremećaj metabolizma, preosjetljivi ste na neke od lijekova ili ste imali alergijsku reakciju na neki od njih.

• Nemojte primjenjivati lijek GENTAMICIN GALENIKA

Lijek ne smijete primjenjivati ako ste preosjetljivi na gentamicin ili bilo koji sastojak lijeka GENTAMICIN GALENIKA ili na druge aminoglikozidne antibiotike.

• Budite posebno oprezni s lijekom GENTAMICIN GALENIKA

Obratite se svom ljekaru ili apotekaru prije nego primijenite GENTAMICIN GALENIKA.

- Upozorite ljekara ako imate neku hroničnu bolest, metabolički poremećaj, ako ste preosjetljivi ili ako koristite neke druge lijekove.

- Mast prestanite upotrebljavati ako opazite jače crvenilo oboljelog predjela ili Vam se čini da je stanje lošije. Ako nakon jedne sedmice nema poboljšanja, posavjetujte se sa ljekarom.

- Lijek ne mažite na velike površine posebno ne ako ste starije dobi s oštećenjem sluha ili oslabljene bubrežne funkcije. Dugotrajnom primjenom na velikim površinama oštećene kože lijek može prelaziti u krv u takvim količinama da može prouzročiti oštećenje sluha.

Djeca

- Lijek ne mažite na velike površine, posebno ne u nedonoščadi, novorođenčadi, male djece s oštećenjem sluha ili oslabljenom bubrežnom funkcijom. Dugotrajnom primjenom na velikim površinama oštećene kože lijek može prelaziti u krv u takvim količinama da može prouzročiti oštećenje sluha.

• Primjena drugih lijekova s lijekom GENTAMICIN GALENIKA

Imajte u vidu da se ove informacije mogu odnositi i na lijekove koje više ne koristite, kao i na lijekove koje planirate da koristite u budućnosti. Obavijestite svog ljekara ili farmaceuta ako koristite, ili ste do nedavno koristili neki drugi lijek, uključujući i lijek koji se nabavlja bez ljekarskog recepta.

Istovremenu primjenu GENTAMICIN GALENIKA masti i drugih lijekova koji mogu da oštete bubrege ili čulo sluha i ravnoteže treba izbjegavati, izuzev ako Vaš ljekar misli da je primjena neophodna.

Nemojte istovremeno koristiti druge lijekove za lokalnu primjenu.

• Trudnoća i dojenje

Obavijestite svog farmaceuta ili ljekara o trudnoći prije početka primjene bilo kojeg lijeka.

Bezbjednost primjene lijeka za vrijeme trudnoće i dojenja nije utvrđena. GENTAMICIN GALENIKA mast se može primjenjivati tokom trudnoće i dojenja samo ako Vaš Ljekar, poslije pažljive procjene odnosa očekivane koristi i potencijalnih rizika, bude smatrao to neophodnim. Ne preporučuje se trudnicama i dojiljama ako je površina oboljele kože veoma velika.

- **Upravljanje vozilima i mašinama**

Lijek obično prelazi u krv u zanemarljivoj količini, stoga ne utiče na psihofizičke sposobnosti prilikom upravljanja motornim vozilom i rukovanja mašinama.

- **Ostala upozorenja**

Šta morate znati o pomoćnim supstancama koje sadrži lijek GENTAMICIN GALENIKA

Nisu zabilježene neželjene reakcije na pomoćne materije prisutne u lijeku.

3. KAKO PRIMJENJIVATI LIJEK GENTAMICIN GALENIKA

Ako smatrate da lijek GENTAMICIN GALENIKA preslabo ili prejako djeluje na Vaš organizam, obratite se svom ljekaru.

Vaš ljekar će Vas posavjetovati koliko dugo da koristite lijek GENTAMICIN GALENIKA.

Uklonite krastu da bi lijek lakše djelovao. Oboljelu kožu namažite tankim slojem masti tri do četiri puta dnevno. Namazanu površinu možete prekriti gazom.

- **Ako primjenite više lijeka GENTAMICIN GALENIKA nego što ste trebali**

Ako ste primijenili veću dozu lijeka GENTAMICIN GALENIKA nego što bi trebalo, odmah razgovarajte sa svojim ljekarom ili farmaceutom!

Prevelika doza neće uzrokovati nikakve poteškoće, osim ako ste mazali mast na veliku površinu oštećene kože kroz duže vrijeme (više sedmica).

- **Ako ste zaboravili primjeniti lijek GENTAMICIN GALENIKA**

Nikada ne primjenjujte duplu dozu da nadomjestite propuštenu!

U slučaju da ste zaboravili da primjenite lijek odmah nastavite sa terapijom kao i u prethodnom periodu. Nemojte nanositi dvostruku dozu kako biste nadoknadili zaboravljeni.

- **Ako prestanete primjenjivati lijek GENTAMICIN GALENIKA**

Oboljeli dio mažite toliko vremena koliko Vam je propisao ljekar. Ako prebrzo prestanete s primjenom lijeka, upala se može vratiti.

U slučaju bilo kakvih nejasnoća ili pitanja u vezi s primjenom lijeka GENTAMICIN GALENIKA obratite se svom ljekaru ili farmaceutu.

4. MOGUĆE NUSPOJAVE

Kao i svi drugi lijekovi i lijek GENTAMICIN GALENIKA može izazvati nuspojave.

Učestalost javljanja nuspojava može biti:

Vrlo rijetke: pojavljuju se u manje od 1 na 10 000 bolesnika

- lagani svrab, blago crvenilo kože,
- oboljeli dio kože osjetljiviji na sunčane zrake,
- povećanje broja otpornih mikroorganizama.

U tom slučaju dolazi do pogoršanja znakova bolesti. Prekinite liječenje i posavjetujte se sa ljekarom.

<p><u>Prijavljivanje sumnje na neželjena dejstva lijeka</u></p> <p>U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.</p>
--

5. KAKO ČUVATI LIJEK GENTAMICIN GALENIKA

Lijek GENTAMICIN GALENIKA čuvati van domašaja i pogleda djece.

Čuvati na temperaturi do 25 °C, u originalnom pakovanju, radi zaštite od svjetlosti i vlage.

Poslije prvog otvaranja čuvati na temperaturi do 25 °C, u originalnom pakovanju, najduže 28 dana.

Rok upotrebe: 3 godine

Lijek GENTAMICIN GALENIKA se ne smije upotrijebiti nakon isteka roka upotrebe navedenog na pakovanju.

Posebne mjere uništavanja neupotrijebljenog lijeka ili ostatka lijeka

*Neupotrijebljeni lijek uništiti u skladu sa važećim propisima.
Neupotrijebljeni lijek nemojte odlagati u kućni otpad ili ga bacati u kanalizaciju. Upitajte farmaceuta za najbolji način odlaganja neupotrijebljenog lijeka, jer se na taj način čuva okolina.*

6. DODATNE INFORMACIJE

- **Šta lijek GENTAMICIN GALENIKA sadrži**

Aktivne supstance: 1 g masti sadrži 1 mg gentamicina (u obliku gentamicin-sulfata).

Pomoćne supstance: parafin, čvrsti; parafin, tečni, laki; izopropilmiristat; parafin, bijeli, meki.

- **Kako lijek GENTAMICIN GALENIKA izgleda i sadržaj pakovanja**

Izgled: mast je homogena, skoro bijele boje.

Pakovanje: tuba sa 15 g masti.

Režim izdavanja

Lijek se izdaje uz ljeakarski recept.

Proizvođač

GALENIKA a.d. Beograd, Batajnički drum b.b., Beograd, Republika Srbija

Proizvođač gotovog lijeka

GALENIKA a.d Beograd., Batajnički drum b.b., Beograd, Republika Srbija

Nosilac dozvole za stavljanje lijeka u promet

GALENIKA d.o.o., Vidovdanska b.b., Banja Luka, BiH

Broj i datum dozvole za stavljanje lijeka u promet:

04-07.3-2-1147/21 od 29.11.2021.